



Tusarniaaffigineqartunut

Sanaartornermi neqerooruteqartitsisarneq pillugu Inatsisartut inatsisaata (neqeroortitsinermik inatsit) allannguutissaatut siunnersuutip tamanut tusarniutigineqarnera

Dato: 23-01-2026
Sagsnr.: 2025 - 10324
ID. nr.: 79628267

Sanaartornermi neqerooruteqartitsisarneq pillugu Inatsisartut inatsisaata (neqeroortitsinermik inatsit) allanngortinneqarnissaanik siunnersuut kingusinnerpaamik 2026-mi februaarip 23-ani nal. 12 akissuteqarfissanngorlugu Ineqarnermut, Attaveqaasersuutitut Isorliunerusunullu Naalakkersuisoqarfiup matumuuna tamanut tusarniutigaa.

Postboks 909
3900 Nuuk
Tlf.: (+299) 34 50 00
E-mail: box909@nanaq.gl
www.naalakkersuisut.gl

Siunnersuutip tunuliaqutaa, siunertaalu

Sanaartornermi neqerooruteqartitsisarneq pillugu Inatsisartut inatsisaata allanngortinneqarnissaanut siunnersuutip (neqerooruteqartarnermut inatsit) UPA2026-mi saqqummiunneqarnissaa pilersaarutigineqarpoq.

Naalakkersuisooqatigiinnissamut isumaqatigiissut "Ataatsimoorfigaarput Kalaallit Nunaat toqqissisimanartoq kiffaanngissusilik siuariartortorlu" naapertorlugu, neqerooruteqartarnermut inatsisip allanngortinneqarnissaa siunnersuutigineqarpoq, taamaalilluni pisortat illuliornernik sanaartornermillu suliassaasa sularineqarneranni najukkani suliqqeqarfiit akuutinneqarnerulernissaannut periarfissiisoqassalluni.

Tamatuma saniatigut allanngortitsinissamut siunnersuummi siunertaavoq, pisortat illuliassaannik sanaartugassaannillu allaffissornikkut aqutsinerup pisariinnerulersinnissaa, ilaatigut illuliornermut sanaartornermillu suliassaqaqfimmil siunnersortitut sullissinernit neqeroortitsinerit inatsisitigut maleruagassiivigineqarnerat neqerooruteqartarnermut inatsimmi ilanngunneratigut, taamaalillunilu – ullumikkut pisartutut – pisortat oqartussaaffigisaanni suliqqeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaanni (neqeroortitsinermut inatsit) ilaatinneqassanani.

Siunnersuummi pingaarnerit

- Neqerooruteqarnermut inatsit aamma neqeroortitsinermut inatsit allanngortinneqassapput, taamaalilluni illuliornermut sanaartornermillu suliassaqaqfimmil pilersuutissanut siunnersuisarnissamullu neqerooruteqartitsisarneq siunissami neqerooruteqarnermut inatsimmi maleruagassiivigineqalissalluni.
- Erseqqissarneqarpoq, neqeroortitsisup naligiissitsinermut tunngavisoq mianeralugu najukkami pissutsit aammalu neqerooruteqartut najukkami inissisimanerat pingaartissinnaagaat.
- Erseqqissarneqarpoq, neqeroortitsisup tunngavissarititaasoq "neqeroorut aningaasaqarnikkut iluaqutissartaqarnerpaaq" malillugu suliakkiissuteqarnermini

ilaatigut inuiaqatigiinni akisussaasuuneq pingaartissinnaagaa, ilanngullugu najukkami pissutsit najukkamilu inissisimaneq, ilinniartussarsisarneq sullivimmilu sungiusarfissanik pilersitsisarneq kiisalu ajornartorsiortunik suliffissaqartitsinissaq eqqarsaatigalugit.

- Neqerooruteqartoq imaluunniit suliffeqarfimmi siulersuisuni imaluunniit pisortaatitani ilaasortat ukiut kingulliit 5-it iluanni akiliilluni peqquserlutsitsinermut, sumiginnaanermut imaluunniit niuernikkut isumaqatigiinnernik suliaqarsimanermut, pinerlunniaqatigiinni peqataasimanermut, pinerlunnikkut aningaasarsianik malunnarunnaarsaanermut imaluunniit meeqqanik sulisoqarsimanermut eqqartuunneqarlutik pineqaatissinneqarsimappata, neqeroortitsisup neqerooruteqartoq mattutissagaa pillugu maleruagassaq atuutsinneqalissaaq.
- Neqerooruteqartoq akiliisinnaajunnaartussanngorsimappat, imaluunniit ukiuni 5- ini kingullerni inuussutissarsiumminik ingerlatsinermini ilungersunartunik sumiginnaasimappat, ilanngullugu neqeroortitsisumut imaluunniit pisortani oqartussamut isumaqatigiissutini annertuumik sumiginnaasimappat, neqeroortitsisup suliassamut neqerooruteqarnissamut neqerooruteqartoq mattussinnaagaa pillugu maleruagassaq atuutsinneqalissaaq.
- Isumaginninnermi mianerisassat, ilanngullugit najukkami pissutsit najukkamilu inissisimaneq, aalajangiisuusumik tamanna pisariaqartippassuk, suliaqarnerni neqerooruteqartussanik toqqaareersuni neqerooruteqartitsinissamut periarfissiisoqassasoq.
- Isumaqatigiiffiusumik neqeroortitsinissamik atuinissamut akitigut killissarititat nutaat: Illuliortiternissani, sanaartornissanilu kiisalu pilersuinissani 3 mio. koruunit tikillugit naleqartunut aamma siunnersortit siunnersortaanissaannut annerpaamik 10 mio. koruuninik naleqartunut isumaqatigiiffiusumik neqeroortitsisoqarsinnaavoq.
- Ilinniartut pineqaatissiinerlu: Ilinniartut/suliffimmik misiliisut il.il., ullormullu akiliisitaanerit imaluunniit piumasaqaatinik naammassinninnginnermi allatigut pineqaatissiinerit pillugit piumasaqaatinik aalajangersaanissamut annertusisamik Naalakkersuisunut pisinnaatitaaffiliineq.

Tusarniaanermut kingusinnerpaamik akissuteqarnissaq

Oqaaseqaataasinnaasut kingusinnerpaamik 2026-imi ataasinngornermi februaarip 23- ani nal. 12.00, Ineqarnermut, Attaveqaasersuutitut Isorliunerusunullu Naalakkersuisoqarfinnut mailimut <box909@nanoq.gl> nassuteqquneqarput.

Siunnersuummut apeqqutissaqaraanni saaffigineqarsinnaavoq Janus Køster uani e-mail:jks@nanoq.gl imaluunniit tlf. 34 54 54.

Inussiarnersumik inuulluaqqusillunga

Janus Køster

tusarniaaffigineqartut:

Aningaasaqarnermut Akileraartarnermullu Naalakkersuisoqarfik
Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut
Naligiissitaanermullu Naalakkersuisoqarfik
Isumaginninnermut, Suliffeqarnermut Nunamullu Namminermut Naalakkersuisoqarfik
Ilinniartitaanermut, Kulturemut, Timersornermut Ilageeqarnermullu Naalakkersuisoqarfik
Kommune Kujalleq
Kommuneqarfik Sermersooq
Qeqqata Kommunia
Kommune Qeqertalik
Avannaata Kommunia
Sulisitsisut (GE)
Nunaqavissut Suliffiutillit Kattuffiat (NUSUKA)
Sulinermik Inuussutissarsiuteqartut Kattuffiat (SIK)
Atuisartoqarnermut Unammilleqatigiinnermullu Aqutsisoqarfik
CSR Greenland
Transparency International Greenland
Nunatsinni Advokatit
Nukissiorfiit
INI A/S
Illuut A/S
Iserit A/S
KNI A/S
Greenland Airports A/S
Royal Greenland A/S
Tusass A/S